



Publicaziuns officialas dils 24-12-2009

Administraziun communal / Communicaziun

L'administraziun communal resta serrada sur las fiastas da Nadal e Daniev sco suonda:
naven da **mesjamna, ils 23-12-2009, allas 17.00 uras, entochen gliendisdis, ils 28-12-2009 allas 08.00 uras**

naven da **mesjamna, ils 30-12-2009 allas 17.00 uras, entochen gliendisdis, ils 04-01-2010 allas 08.00 uras**

Nus engraziein per la buna collaboraziun, giavischein benedidas fiastas da Nadal ed in bien niev onn.

Sumvitg, 24-12-2009

Administraziun communal

Salids ed auguris per las fiastas da Nadal e Daniev

La suprastonza communal giavischa a Vus preziasas convischinas e prezias convischins bialas e legrevlas fiastas da Nadal. Per la scumiada digl onn augurein nus buna sanadad, e tut bien. En num dallas autoritads communalas engraziein nus da cor per tut engaschi en favur da vischnaunca e cuminonza.

Sumvitg, 24-12-2009

Suprastonza communal Sumvitg

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 24-12-2009

Departament stradal

Reducziun dallas premias dalla cassa da malsauns

Persunas che han aunc buca retschert direct dalla cassa da cumpensaziun in formular d'annunzia, han la pusseivladad da retrer quel directamein tier la cassa da cumpensaziun AVS en canzlia. Las annunzias pigl onn 2009 ston esser inoltradas entochen sil pli tard ils **31-12-2009**.

Sumvitg, 24-12-2009

Cassa da cumpensaziun AVS

Uffeci dil stadi civil Cadi

Mortoris

Bass Isidor, naschius ils 09-11-1921, morts ils 17-12-2009, staus sesents a Sumvitg, Clavadi 190.

Cajacob Andreas Anton, naschius ils 18-01-1923, morts ils 17-12-2009, staus sesents a Sumvitg, Via Principala 20.

Sumvitg, 24-12-2009

Controlla da habitonts Sumvitg

Clom d'urgenza 118

Agid dils pumpiers da tuttas uras!

Per saver garantir l'organisaziun en cass d'urgenza supplichein nus tuts convischin(a)s d'alarmar ils pumpiers adina sur la numra da telefon dil clom d'urgenza **118** e buc d'empruar da contactar pumpiers sin basa privata. Vus levgeis cheutras la lavur al corp da pumpiers e scursanis il temps d'alarmaziun marcantamein. Nus engraziein a Vus per Vies sustegn.

Sumvitg, 24-12-2009

Corp da pumpiers da Sumvitg

Cussegl pastoral Rabius

Preziadas vischinas e vischins

Demai che nus havein negina messa da Daniev festivein nus da **s. Silvester, ils 31 da december 2009 allas 18.15** in survetsch divin d'engraziament. Cordialmein envidein nus pign e grond da separticipar. Bein havein nus motivs avunda dad engraziar al bien Diu per tut quei che nus havein astgau guder duront igl entir onn ora. Suenter messa envidein nus tuts tier in punsch ni vin cauld. Cun quella caschun admettein nus in grond engraziament a tut tgi che fa part dalla veta da pleiv. Scadin e scadina che segida ad enrihir nos survetschs divins cun cant, musica e collaboraziun mereta in special Dieus paghi per tut engaschi duront igl entir onn ora. Nus vulein sedar breigia vinavon per che nossa cuminonza prospereschi ed astgi esser in bien dacasa spirtal per nus tuts. Nus giavischein tut il bien pigl onn niev e salidein cordialmein *sur Benny ed ils commembers dil cussegl pastoral*

Banca Raiffeisen Disentis/Cadi

Radunonza generala 2010

La radunonza generala dalla Banca Raiffeisen Disentis/ Cadi ha liug **venderdis, ils 12 da mars allas 20.00 uras** en halla plurivalenta dil Center da sport a Mustér. Invitaziun persunala suonda pli tard. Cussegl d'administraziun Banca Raiffeisen Disentis/Cadi

Biblioteca Trun

Mira Sut Trun

Biblioteca populara, Mustér

Mira sut Disentis/Mustér.